



Da la suprastanza cumünela

Persunel

Il silvicultur da revier orientesch la suprastanza cumünela sur dals müdamaints da la relaziun d'ingaschamaint respectivmaing sur dal champ d'activited dal bos-cher e polier Matthias Scheiwiler. Il polier ho la pusibiltad in avegnir da surpiglier eivnas da cuors per l'organisaziun « Bildungswerkstatt Bergwald ».

Impü suottametta il silvicultur da revier ün concept da scolaziun ed ün concept da giarsunedi. Üna giarsuna cun fich bunas qualificaziuns dumanda per ün müdamaint da la piazza da giarsundeis tal uffizi forestel S-chanf/Zuoz (seguond an da giarsunedi). Impü dess gnir scrit oura üna piazza da giarsunedi scu bos-cher per la sted 2018 (prüm an da giarsunedi). La suprastanza piglia cugnuschentscha e appruvescha ils müdamaints. Impü piglia la suprastanza cumünela cugnuschentscha, cha Riet Denoth da Zernez vegn impigho subit cun üna piazza limiteda fin a nadel 2017 scu bos-cher per güder da fer las rumidas dal orizi passo.

Il chanzlist cumünel orientescha, cha duonna Mireille Thom ho davent dals 01. November 2017 ün contrat limito fin la fin da gün 2018 e sustegna ün di l'eivna al chanzlist tar la lavur administrativa. Impü spiega el cha sar Gregor Rominger s'ho retrat dal contrat traunter el e la vschinauncha da S-chanf scu contabel. La piazza scu contabla/-el vegn scritta oura culla prosma posta ils 09 november 2017.

Dumandas da fabrica

La suprastanza cumünela piglia cugnuschentscha dals seguaints progets da fabrica:

- Secziun da militer; Pusiziun pervi da la dumanda posteriura EMD (KD Stand)
- Vschinauncha da S-chanf, rimplizzer via da peduns e bike Chapella (BAB-Bewilligung)

Impü aderescha la suprastanza cumünela seguaintas dumandas da fabrica:

- Somvih Parzellas nr. 32 e 33, dumanda per müdamaint spazi suot terra e spusteda da las lingias d'attach cun resalvas.
- Chauntaluf Parcella nr. 58, dumanda posteriura müdamaints dal local disponibel in ün sudio. Per la cuntradiziun da la ledscha da fabrica vain la patruna da fabrica sancziunada cun üna multeda. Impü vegnan miss in quint las taxas d'attach per ils ans passos.

Annunzcha da fabrica

Davous Chesas. Üna possessura d'üna abitaziun da prüma proprietad ho fat la dumanda per pudair nüzzer la tela scu segunda abitaziun.

a fit l'abitaziun ad üna famiglia domiciliada a S-chanf. Que ch'ella nu po es però nüzzer quell'abitaziun scu alloggi secundari.

Realisaziun regiun d'instrucziun medias ed informatica – plaun d'instrucziun 21

Las scoulas da la Plaiv haun lotiers as convgnieu e defino üna colavuraziun. Esser es avaunt maun ün'offerta da fr. 1'500.00 per üna imsüraziun dal stedi effectiv tres la Fa. Informatica per

la chesa da scoula e la chesa cumünela. La suprastanza cumünela decida unanim da deliberer il credit sur 1'500.00 per piglier sü l'infrastructura momentana.

Plan da cultivaziun alps da S-chanf

Il böt es da serrer giò la cartografia da las alps e pasculs, da realiser ed introdür il plan da cultivaziun e da incumbazer al Plantahof da serrer giò lur lavur. Zieva fich animeda discussiun decida la suprastanza cumünela unanim da deliber il credit sur da fr. 8'650.00 per realiser a fin la cartografia dals pasculs cun ediziuns. Impü vegn incumbenzo il Plantahof da elavurer ün contrat da fittaunza traunter la vschinauncha e la societad pasculs ed alps fin il cumanzamaint da december 2017.

S-chanf, 31. october 2017

La suprastanza cumünela